



Claudii Fleurii Abbatis Historia Ecclesiastica

Ab anno Christi 1460. usque ad annum 1478

Fleury, Claude

August. Vind. [u.a.], 1768

VD18 90118332

§. 75. Fœdus inter Regem Franciæ, & Burgundiæ Ducem

[urn:nbn:de:hbz:466:1-66459](#)

fidem adscribere fas est; persæpe enim Sæcul. XV.
ambigua sunt ejusmodi externa virtutum A.C. 1475.
indicia. Ob hanc Connestabilis mortem
Ludovicus Rex, cum adeo formidabilis
inimici metu perfunditus esset, tripudia-
bat, simulque res Burgundiæ Ducis haud
parum auctæ erant, recuperato S. Quin-
tini oppido, aliisque urbibus, quas Gal-
liarum Rex eidem integra fide reddidit.
Eodem quoque liberalitatis argumento
Comitatum Ligniacensem in Ducatu Ba-
rensi situm Carolo de Trimollio Credonii
Toparchæ; Briennensem vero Comita-
tum Carolo de Ambacia Calvimontio
donavit. Uterque Comitatus olim Con-
nestabili parebat; sed præter hunc Lu-
dovicus plures alias ditiones potissimum
in Burgundiæ Ducis Statu sitas occu-
pabat.

§. LXXV.

*Fœdus inter Regem Franciæ &
Burgundiæ Ducem.*

Rex Franciæ septima ante Connestabilis
mortem hebdomada cum Burgundiæ
Duce foedus pepigit, quo illi omnes suas
Provincias eadem libertate, iisdemque
immunitatibus ac privilegiis, quibus re-
gnante Carolo VII. fruebatur, possiden-
das spopondit: Dux vero vicissim promisit,
quod omnibus omnino foederibus, quæ
M m 2 hucus-

Sæcul. XV. hucusque in Ludovici Regis præjudicium
A.C. 1475. pepigisset, penitus ac integra fide nuntium mittere velit, Demum mutuum alterutrius inimicos repellendi pactum intum, firmatumque est. Ludovicus novo hoc foedere, atque induciis, quas nuper cum Burgundo ad novem annos sanxerat, ab externo armorum metu otium nactus erat, eo potissimum nomine, cum sibi nullum a Burgundi inconstantia periculum imminere videretur; eoque illi magnis in Germania tumultibus implicatus, bellum adversus Helvetios pararet.

§. LXXVI.

Inflata Burgundiæ Ducis confilia.

Burgundiæ Dux totam ferme Lotharingiam suis subjecisset armis, si Nancejum occupasset; cumque optime sibi perspectum haberet, quod Ludovicus secreto articulo pollicitus esset, se Renati Ducis rebus nulla ope adfuturum, hactenporis opportunitate utendum ratus, fixum in animo, destinatumque habuit, suarum ditionum fines latius extendere, ac Gallorum, quibus clientelari obsequio obnoxius erat, jugum excutere, demum vero de Helvetiis vindictam poscere, eorumque Provincias occupare. Statuit etiam reliquam Sabaudiæ, ac Provincie partem iis, quas jam possederat, urbibus adjicere.